

პატივით ამგებულ პირად ჯიბურ

287 85

301016 116 266
287 85
1

301016 116 266
287 85
1

301016 116 266
1

დასკანინიკა 20
14.01.2020

48.

ჯორჯია და მსუბუქი უსუსულო

აკაკი თოფურია

ჯვარცმა სხვათა გადასარჩენად

ცოტნეს მხატვრული სახის შექმნის გამო

მახსენდება ოცდაათიანი წლები... გრიგოლ აბაშიძის პირველი ლექსები სისტემატურად იბეჭდება გაზეთებშიც, ჟურნალებშიც... და, აი, ბოლოს გამოჩნდა სულ პატარა წიგნაკი: თავფურცელზე უვითელფრად — „ლექსები“. გამომცემლობა „ფედერაცია“.

გარეყდა — თხელი, მუქი, სადა. მხატვრობის არავითარი ნიშან-კვალი... მხოლოდ ავტორისეული ხელწერის ლითონ-გრაფიული გამოსახულება შავ ფონზე.

უპრეტენზიოდ, თითქოსდა მორცხვად, თითქოს ჩუმად გამოჩნდა ის პირველი პატარა წიგნაკი წიგნების მაშინდელ სამყაროში.

გამოჩნდა და... გრიგოლ აბაშიძის პოეტური სახელიც თან გამოაჩინა... ორმოც წელზე მეტი გავიდა იმ დროიდან. ხად არ მიტარებია სტუდენტობის ხანაში ნა-ჰილი წიგნები.

ჩამდენი ვერ ვზიდე, ჩამდენი დამეკარგა. ჩამდენი მე თვითონ დავივიწყე.

ეს პატარა წიგნაკი კი დღესაც ამშვენებს ჩემს კარადებს.

მე ვიცვლიდი ადგილს და გარემოს, წიგნაკი კი — არა.

იგი ჩემს გულში, ჩემს სულში, ჩემს არსებაში ჩასახლდა ჩვენი ძველი და ახალი დროის გამოჩენილი პოეტების წიგნებთან ერთად.

ყოველი წიგნის, ყოველი ლექსის დამახსოვრებასაც აქვს თავისი ბიოგრაფია.

და ამ შემთხვევაში ყოველ მკითხველს თავისი საზომი, თავისი ალტერნატივა აქვს.

მათ შორის საერაოდ, გამაერთიანებელი ხაზი — სუბიექტურისა და ობიექტურის ურთიერთ-შერწყმის, ურთიერთ ორგანული შეერთების კანონზომიერებაშია საძიებელი.

ეს კანონზომიერება ადამიანთა სულიერი ცხოვრების ისტორიულ გამოცდილებებს ემყარება.

ქვეშარტიტი პოეტი ის არის, ვინც გაბრუნებულ განვლილ განცდებთან, განწყობილებებთან, ფიქრებთან, ხაზებთან და მოკიდებულებების შენეულ პოზიციებთან, ვინც გაგრძობინებს, რომ მისი სულიერი აღმადგინება, მოწოდება და ექსტაზი თითქოს შენგან იწყება, შენგან იღებს სათავეს, შენგან მალდდება, შენგან ეხვევა სიტყვათა რაღაც ისეთ მაგიურ სამოსელში, რომელშიც მერე უჩინარდები თვითონ შენ, მაგრამ არ იკარგება შენგან დაძრული გრძობების დელტა, იგი იქცევა დიდ ტალღად, რათა თავის მორევში მოაქციოს ყველა, ვისაც ამ ქვეყნად მინიჭებული აქვს ადამიანურ განცდათა უზენაესი ბედნიერება.

დიახ, პოეზია ამ ბედნიერების — ადამიანურ განცდათა უზენაესი ბედნიერების აღუვსებელი საწყაულია.

ამიტომ ადამიანები მუდამ ილტვიან მისკენ. ისე როგორც მზე ათბობს და აცოცხლებს ყოველ სულიერს, ყოველ ადამიანს სჭირდება პოეზია თავისი სულის გასახარად და ასამაღლებლად.

ასე ხდება სუბიექტურისა და ობიექტურის ურთიერთ გადაჭვარდინება ლირიკის უმშვენიერეს სამყაროში.

სწორედ ასეთი პრინციპი ედო საფუძვლად ახალგაზრდობის წლებში ჩემს პირველ შეხვედრას გრიგოლ აბაშიძის ლირიკული ლექსების იმ პატარა წიგნთან, იმ წიგნში მოთავსებულ იმ ერთ ლექსთან, რომელმაც მაძულა ორმოცი წელიწადი მეტარებინა წიგნაკი — ტვირთად, მახსი ჩაქსოვილი ცხოვრებისეული აზრი კი — გუ-

ლისა და სულის სახალისო უბერებელ ვარდად. აზრი! — იგი უმთავრესზე უმთავრესია.

მაგრამ პოეზიის სილამაზე აზრისა და განცდის, სიტყვისა და სახის ემოციური მთლიანობაა.

აქედან — ესთეტიკური სიხარულისაკენ. ახეთია ლექსის შეგრძნების, აღქმის, მისი შემეცნებისა და სუბიექტურიდან (შემქმნელიდან) ობიექტურში (მკითხველში) შექრის ერთადერთი სწორი გზა.

ეს გზა გავიარე მეც მაშინ, როცა გატაცებით ვკითხულობდი გრიგოლ აბაშიძის ლექსების იმ პირველ კრებულს.

და აი, მიუხედავად ოთხი ათეული წელიწადის განვლისა, მოწყენილობის უამს, სიჭაბუკის და სიყვარულის ნანგრევების მოსაგონებლად, ახლაც ხშირად ფიქრებში უხმოდ ვიმეორებ ხოლმე:

შენზე იტყვიან ბევრნიარ იგავს,
სასაცილოს და ამბავს რიგიანს,
შენ სიცოცხლეში ეშმაკი იყავ,
მოკვდი და მინც არ წაგიგია!

ვლიდინებ და მედიმება. გული იწმინდება ათასგვარი მეწყერული ნალექისაგან.

არც მთლიანად ლექსი და არც ეს სტროფი არ ხასიათდება რაიმე საყურადღებო სოციალური პრობლემატიკით. ლიტერატურაში სოციალური პრობლემატიკა ყოველთვის განსაზღვრულია საზოგადოებრივი ცხოვრების კონკრეტული დროით, ეპოქის სოციალურ-პოლიტიკური და ეკონომიკური პირობებით. სიყვარულის მარადიული პრობლემის სრულიად ახლებური გადაწყვეტა ამ ლექსში მიღწეულია ერთი შეხედვით უმნიშვნელო ყოფითი დეტალის, ინტიმური გრძნობის, ლეგენდებისა და ზღაპრების პოეტური მოდიფიკაციის საფუძველზე. ხალასი შემოქმედებითი ნიჭის წყალობით ამ გზით შექმნილმა პოეტურმა სახემ ფრთები გამოიხსნა. იგი გამოირჩევა დიდი მხატვრული ფერადოვნებით, აზრობრივ-ემოციური უღერადობით და სიცოცხლისუნარიანობით.

ლექსში „ის ყელზე მოხვეულ მელას“ მსუბუქი იუმორი და მსუსხავი სარკაზმი თითქოს უკიდურეს საზღვრებამდე დაყვანილი. და უეცრად ყველაფერი უირამალა დგება, როცა კითხულობ მის მომღვენო სტროფებს:

ქარში, წვიმაში, ზამთრის ამინდში
რჩებით სიცივის და გზის ამარა.
ამოიხუნთქავს, ბეწვებს აგიშლის
და სანდომიან ტუჩებს ჩამილავს.
თვალები შავი არ თმობენ ლოდინს
თვალნი — ყაყაჩოს შავი ხალები...
მე შენ ადგილზე გავცოცხლებოდი
და სამუდამოდ გავიხარებდი.

რითმული სიხლე, განწყობილების ვადმოცემის პათეტიკური ტონი, აზრის სიცხადე — ყველაფერი ერთად აქ ქმნის რეალისტურ მიმზიდველ სურათს, რომლის ფერთა ელვარებას განსაკუთრებულ ძალას და იერს ანიჭებს საუცხოო ტროპული შედარება: „თვალნი — ყაყაჩოს შავი ხალები“. აქედანაა წარმოშობილი „სამუდამო სიხარულის“ ფორმულა, როგორც ზოგადსაკაცობრიო იდეალი. ეს პიროვნული ჩარჩოებიდან დიადისა და ამაღლებულისაკენ ლტოლვის ის ნიშანი იყო, რომელიც ლექსს მაშინვე პოეზიად, მის დამწერს კი ნამდვილ პოეტად აქცევს.

აღსანიშნავია, იმ პირველი წიგნის ოცდაერთი ლექსიდან გრიგოლ აბაშიძემ სუთი უცვლელად შეიტანა 1978 წელს „საბჭოთა საქართველოს“ მიერ გამოცემული მისი საუკეთესო ლირიკული ლექსების ახალ წიგნში. ესენია: „დედასთან“, „ცეცინათელა“, „მეშინდე“, „ქუჩის ნიკორა“ და „...ის ყელზე მოხვეულ მელას“, რომელზედაც საგანგებოდ შევჩერდით ზემოთ.

შეიძლება ერთგვარი დასკვნის სახით გავიმეოროთ ცნობილი მოარული აზრები: კვდება ყოველი ცოცხალი არსება. ცოცხლობს ყოველი კარგი ლექსი. ზოგჯერ დროუამსაც ეკიდება ობიექტივობა ლექსს კი — არასოდეს. მხოლოდ მას შეუძლია უანგაროდ დაგვიამოს მძიმე სულიერი ტკივილები. გათქმევინოს: ოხვრა არის შეება უმედუროსაო.

ბოლოს და ბოლოს. ეს ხომ, სიცოცხლის გარკვეულ ეტაპზე, სიბერიდან სიჭაბუკისაკენ მოხედვას, მასთან წამიერ დაბრუნებას, პირველი სიყვარულის გახსენებას და ოცნებათა ბურანში მის დამჭკნარ ყვავილებთან გარინდებით, მოკრძალებით და სინანულით დამის გათევასაც ნიშნავს!

და სანამ აღამიანის ყოფა და არსობა არ გაქრება, არ ჩაკვდება მასში ტრფიალების გრძნობა და მოგონების სიამე. არ მოხდება მისი სულის ავტომატიზირება. არ დაიფანტება ლექსი, რომელიც ისტორიამ დარაჯად დააყენა თაობათა სულიერი ცხოვრების გზაზე.

* * *

გრიგოლ აბაშიძის ლირიკულ პოეზიას იმთავითვე დაეტყო ეპიკურობისა და ისტორიზმისაკენ გადახრის ნიშნები. ამის პირველი აშკარა მაჩვენებელი იყო ხალხური ეპოსიდან შექმნილი მისი პირველი ვრცელი პოეტური ნაწარმოები „ასფურცელა“, რომელიც სწორედ შემოხსენებული პირველი კრებულის ბოლო ნაწილშია მოთავსებული. თანდათან პოეტის შემოქმედებითი განვითარების გზაზე, ლირიკასთან ერთად, პოეტურმა ეპოსმა მნიშვნელოვანი ადგილი დაიჭირა. ჯერ კიდევ ომამდე ამ მხრივ მკითხველთა ყურადღება და ინტერესი დაიმსახურა გრიგოლ აბაშიძის მიერ 1940 წელს ცალკე წიგნად გამო-

2

ქვეყნებულმა პოემამ „შავი ქალაქის გაზაფხული“, რომელშიაც 1905-იან წლებში ქიათურის მარგანეცის მადარებების მუშათა რევოლუციური მოძრაობის ისტორიული წარსულია გამოხატული.

საბჭოთა პატრიოტიზმისა და ხალხთა მეგობრობის იდეის გამოსახვაში გრიგოლ აბაშიძე აგრძელებს, აღრმავებს და ავითარებს ქართული საბჭოთა ლიტერატურის მაგისტრალურ ხაზს, მის მდიდარ ტრადიციებს. სამაშულო ომმა ამ მხრივ კიდევ უფრო გაამძაფრა პოეტის გამოხსახველობითი ფორმები და საშუალებები. არაერთი ბრწყინვალე ლირიკული ნაწარმოების გარდა („ძღვევაშოსილი“, „ტანკების დუელი“, „მტრები“, „გაზაფხული“ და სხვ.), გრიგოლ აბაშიძემ ამ თემას მიუძღვნა ორი კლასიკური მნიშვნელობის პოემა „ძღვევის ქედი“ (1943) და „ზარზმის ზმანება“ (1946).

თუ პირველში მთავარი პერსონაჟის — გიორგის ხასიათის გამოკვეთის გზით დიდი დამატებლობითა და სისავსით იყო გამოხატული კავკასიის გმირული დაცვის კონკრეტულ მაგალითებზე გერმანელ დამპყრობთა წინააღმდეგ ერთიანი ბრძოლის ცოცხალი, შთაბეჭდილური სურათები, მეორეში მთავარი აქცენტი გადატანილი იყო ომის ძღვევაშოსილი დამთავრების შემდეგ იმ დროს ფსიქოლოგიური ასპექტებისადმი, რომლებიც უნდა წარმოშობილიყო და წარმოიშვა კიდევ ომში დაღუპულთა უკვდავობის, მათი ხსოვნის გამოვლენის სხვადასხვა ხატუალებთან დაკავშირებით. პოემაში დამატებლობას და ტრაგიკულობას ქმნის არა დედის სიყვარული შვილისადმი — ეს ისედაც გარკვეული და გასაგები იქნებოდა, — არამედ ის მძიმე დრამატული კოლიზია, რომელიც ამ ხიყვარულს გვიჩვენებს ხრულიად განსხვავებულ, თავისებური და ახლებური ნიშნით.

ომის წლებში რაჭიდან მესხეთში ჩახახლებული მოხუცი ქალის უოველდღიურ გოდებაში მტერთან ბრძოლის დროს დაღუპული შვილის დატარების გარდა უზარმაზარი სულიერი ტკივილი იგრძნობა. ეს არის საყოველთაო, ზოგადი ტკივილის ანარქალი; რაც უფრო ვრწმუნდებით, რომ დედამ ნამდვილად შვილის საფლავს მიაგნო, რომ ყირიმის ნაომარი ადგილებიდან მისი ძვლების გადმოსვენება საკუთარ მიწაწყალზე ეს მისთვის მხოლოდ შინაგანი ტანჯვის ნაწილობრივი შემსუბუქებაა, ჩვენ მით უფრო ვიმსჯელებით მისდამი მეტი პატივისცემისა და სიბრალულის გრძნობით. მაგრამ პოემიდან ირკვევა, რომ მესხეთის განახლებულ მხარეში — ზარზმის დედას შეცდომით ჩაშოუსვენებია არა საკუთარი შვილის, არამედ სხვისი ცხეღარი. დაღუპულად მიჩნეული ბოლოს ცოცხლად უბრუნდება თავის ოჯახს.

ეს მოულოდნელობა ემყარება მოულოდნელობებით აღსავსე ომისდროინდელ სინამდვი-

ლეს. ამით შემდგომი დრამატული კოლიზიისათვის თითქოს მოიხსნა უოველდღიური საფუძველი. მაგრამ პოეტის წარმოსახვითი მასშტაბი არ მცირდება ამ ეპიზოდში, იგი იზრდება და ფართოვდება დედის იმ ფერად-ფერადი ზმანებების ხასით, რომლებშიც იხატება ქართველი ქალის, ქართველი ხალხის მაღალი პატრიოტიზმი და ჰუმანიზმი.

1949-50 წლებში გრიგოლ აბაშიძემ შექმნა ლირიკული ლექსების ორი ციკლი „სამხრეთის ხაზდვარზე“ და „ლენინი სამგორში“, რომელთა გამაერთიანებელი ლეიტმოტივია მშვიდობისათვის ბრძოლა. მთელი ომისშემდგომი ეპოქა არსებითად გამსჭვალულია ამ ლეიტმოტივის პათოსით. როგორც კი ჩადგა ომის ქარიშხალი, მთელს ჩვენს პლანეტაზე დამყარებულ მშვიდობას კვლავ გაუჩინდნენ ხაშიში მოწინააღმდეგენი, კვლავ წამოყვეს თავი „ცოვი ომის“ ანოლოგატებმა, კვლავ გაჩაღდა ძირგამომისწვლილი იდეოლოგიური დივერსიები ჩვენი სამშობლოს ძლიერების შესასუსტებლად.

და, აი, პოეტმა თავისი შემოქმედებითი ნიჭი, ძალა და უნარი მთლიანად დროის ამ მთავარ მოთხოვნას დაუშორჩილა. მან იმ ხანებში ერთერთმა პირველმა იმოგზაურა საქართველოს უძველეს სამხრეთ რაიონებში, სადაც ისტორიულად არაერთხელ წყდებოდა მისი უოფნა-არყოფნის ბედი. ლექსებში „ზარფი“, „მონაპირე რაიკომებს“, „სულე“, „თავდაცვის ხაზი“, „ქართული სოფელში“ და სხვ. პოეტმა გვიჩვენა ძველი და ახალი მესხეთის, ძველი და ახალი აჭარის საუცხოო კონტრასტული სურათები, გამოხატა მაღალი პატრიოტული გრძნობა, სიძულვილი მტრებისადმი, ორი შეურიგებელი ბანაკის დაპირისპირების ფონზე ჩვენი ქვეყნის გამარჯვების ოპტიმისტური იდეა.

პოეტმა იცოდა, რომ მშვიდობისათვის ბრძოლის მოწინავე ხაზი, უპირველეს ყოვლისა, შრომით აღმშენებლობაში გადის. ასე შეერთდა მის ომისშემდგომ ლირიკულ პოეზიაში მშვიდობისა და შრომის თემა ერთ განუყოფელ მთლიანობად. ამ მხრივ ლექსების ციკლი „ლენინი სამგორში“ პირდაპირი, ლოგიკური გაგრძელებაა პოეტის მიერ ოსტატურად მოფიქრებული და ადრე დაწერილი ციკლისა „სამხრეთის ხაზდვარზე“. სამგორის მშენებლობას ომისშემდგომი პერიოდის საქართველოს ეკონომიკური აღორძინებისათვის განსაკუთრებული მნიშვნელობა ჰქონდა. ამიტომ მისი ხროკი ველების მოსარწყავად, მინდვრების გასაცოცხლებლად და ასაყვავებლად არსის გათხრამი მონაწილეობას იღებდა მთელი ქართველი ხალხი. ლექსში „სამგორის მამითადი“ პოეტი უმდერის ხალხის ამ საერთო დარაზმულობას, რომელიც მას უნებურად აგონებს იმ დროს, როცა:

ლიხს აქედან, ლიხს იქიდან,
ქულზე კაცო, ყველა,
ხმლით და შუბით მოდიოდა
მტერთან შესაბამელად.

მაგრამ ახლა? რამ შეჰყარა სამგორში „შე-
ვარდნების გროვა“?

განა მართლა ლაშქარია,
განა გლოვის ზარი?! —
ხმლის და შუბის ნაცვლად ელავს
წერაქვი და ბარი.
ლიხს აქედან, ლიხს იქიდან,
თავშეყრილნი ჯარად,
სამგორის ველს დახვევიან
მტრის ბანაკის დარად.

ქართველი ხალხის ასეთი ერთიანი გამორული
შრომით ჩაიშარხა, პოეტის თქმით, სამარეში
„სამგორული გვალვა“, „ქარიანი, მტვრიანი უდა-
ბნო“, ასე იშვა იორის წყლით გაცოცხლებული
ახალი სამგორი, რომელმაც კიდევ უფრო გან-
მტკიცა ქვეყნად მშვიდობა და შრომა.

პარალელურად პოეტი თავის ლირიკულ შე-
მოქმედებაში დროდადრო ყოველთვის იხსენებ-
და წარსულის გამორული ეპიზოდებს, როგორც
თანამედროვეობასთან დამაკავშირებელ ობიექ-
ტებს, როგორც საფუძველს იმ დიდებული ეპო-
ქისა, რომელშიც მას მოუხდა ცხოვრება და
მოღვაწეობა. ერთ თავის ადრინდელ ლირიკულ
შედეგში გრივად აბაშიძე ნათელჰყოფს რა
წარსულის ისტორიულ ფესვებთან მისი სული-
ერი კავშირის საიდუმლოებას, გარკვევით და
პირდაპირ მიუთითებს, რომ „მე შუის ხხივის
და თბილისის ხნის ვარ, მეც გაჩენილი ვარ
გორგასლანის“. ამიტომ, თუ დღეს „თბილის-
ქალაქის“ მიწა „კვლავ ბრწყინავს“, მიწა, რო-
მელიც „სქამს ყველა დროის ჯალალედინებს“,
ისე რა „გამაბედვინებს“ ლექსის წერას, თუ
წარსულისადმი „ტრფობის ქარი“ გულში არ
ჰქრისო, აქედან პოეტი ქმნის ორიგინალურ პო-
ეტურ ხახვს, რომელსაც დრმა აზრობრივ-ემო-
ციური დატვირთვა ეძლევა.

ნუ დაუჭერებ ზღაპრად მოთხრობილს,
მაგრამ ეს ლექსი არის ნამდვილი.
მე დაჭრილი ვარ, როგორც ხოხობი
და თბილისში ვარ ჩამოვარდნილი.

თბილისში ჩამოვარდნილი დაჭრილი ხოხო-
ბი! ეს ხახვ მკითხველის ცნობიერებაში ერთ-
ბაშად აცოცხლებს სილამაზის მომხიბვლელო-
ბასთან ერთად იმ ტანჯვას და ტკივილს, რაც
დღიდან დაარსებისა საქართველოს დედაქალაქ-
მა განვლო. ხოლო დედაქალაქის ისტორია ქარ-
თველი ხალხის ისტორიაც არის, მისი დავიწყე-
ბა არ შეიძლება. პოეტის ფიქრი მუდამ მზარუნ-

ველობით დასტრიალებდა წარსულის ლანდებს,
იგონებდა იმ დროს, როცა:

ხნავდა თუ ვენახს ხარდანს უცვლიდა,
გარჯა თუ ლინი ჰქონდა ახალი, —
თანდაყოლილი დედის მუცლიდან
ყველგან თან ჰქონდა ქართველს ფარხმალი.
(ლექსიდან „ჯაჭვგაუხდელი“).

მაგრამ „ხვენწყის ჩვენებაში“ თუ „უღუ და-
ვითის დაბრუნებაში“, „თელავის ციხის ლეგენ-
დაში“ თუ „ნოსტეს დრუბლებში“, ყველა იმ
ლირიკულ ლექსსა და სიმღერაში, რომლებიც
პოეტის ოცნებას წარსულთან აკავშირებდა, მას
ჰქონდა დასახული მხოლოდ ერთი მიზანი, ერთი
ამოცანა. ეს იყო საკუთარი მეობის შემზადება
დიდი შემოქმედებითი შემართებისათვის, იმ
მწვერვალის დასაპყრობად, რომლის სიმაღლე-
ში ადრე ჯერ კიდევ თითქოს შორეულად და
მიუწვდომლად ჩანდა.

და აი ქართულ საბჭოთა ლიტერატურას ლი-
რიკოსი გრივოდ აბაშიძე სულ მალე პროზის
გამორჩენილ ოსტატად მოევლინა ისტორიულ ეპო-
ქაში, აქეთკენ მიმავალი გზა მან გაიარა არა
მხოლოდ ეპიკურ-დრამატული ნაწარმოებების
(„ასფურცელა“, „ძღვეის ქელი“, „ზარზმის ზმა-
ნება“, „მოგზაურობა სამ დროში“ და სხვ.),
არამედ „უპირველეს ყოვლისა, 1942 წელს და-
წერილი ისტორიული პოემის „გიორგი მეექვ-
სის“ შექმნის, მასში გამოყენებული მხატვრულ-
გამომსახველობითი პრინციპებისა და ხერხების
წარმატებით მომარჯვების, სრულყოფისა და გა-
შლა-გაფართოების საფუძველზე.

ეს იყო ახალი, დიდი ეტაპის დასაწყისი გრი-
ვოდ აბაშიძის შემოქმედებითი განვითარების
გზაზე. იგი თითქმის ოცი წელიწადი გაგრძელ-
და; ასე გამოჩნდა 1957 წლიდან, გარკვეული
შუალედებით, გრივოდ აბაშიძის საყოველთაოდ
ცნობილი დიდმნიშვნელოვანი პროზაული ქმნი-
ლებანი: „ლაშარელა“, „დიდი ღამე“ და „ცოტ-
ნე ანუ ქართველთა დაცემა და ამაღლება“. ამ
თხზულებებში პროზაიკოსმა გრივოდ აბაშიძემ
შესანიშნავად ცხადყო თავისი სიძლიერე „გი-
ორგი მეექვსის“ იმ ნაკლოვანებების დასაძლე-
ვად, რომლებმაც თავი იჩინეს ისტორიული
წყაროებისა და მხატვრული გამოწვინის არა-
ზომიერად, ერთგვარი უთანაბრობით შერწყმის
პროცესში (გვარამ მარგველის — ფანტაზიის
წყაფის და გიორგი მეექვსის — ისტორიული
პიროვნების მხატვრულ ხახეთა ურთიერთ და-
პირისპირების ფონზე).

პოეტური ეპოსიდან ქართული ისტორიული
პროზის სიმაღლეზე ასვლა, სიმაღლეზე, რომ-
ლის მწვერვალების მშვენივალ მახზე წინ მეო-
ცე საუკუნის მხატვრული სიტყვის ორი ისეთი
ბუმბერაზი ოსტატი იდგა, როგორც არიან ვა-

3

სილ ბარნოვი და კონსტანტინე გამსახურდია, თავისთავად მოწმობს მწერლის დიდ შემოქმედებით წარმატებას, მის დიდ განსწავლულობას წარსულის იმ კონკრეტული ეპოქის დოკუმენტურ წყაროებსა და მასალებში, რომელთა შეცნობისა და სწორი იდეოლოგიური პოზიციით გააზრების გარეშე არ შეიძლებოდა თანამედროვე ეტაპზე ამ სფეროში საკუთარი ადგილის მოპოვება. გრიგოლ აბაშიძემ მტკიცედ დაიმკვიდრა ეს ადგილი. ამის განსაზღვრისას ყურადღებას იპყრობს სამი მთავარი ასპექტი:

პირველი და არსებითი არის გამოსახვის ობიექტის ორიგინალურობა, ეპოქის კოლორიტულობის თავისთავადი ელფერი, საქართველოს ისტორიის იმ მწვავე, ყველაზე მტკივნეული მონაკვეთის გამოსახვა და ჩვენება, რომლის შესახებ ან არაფერი ვიცოდით, ან ვიცოდით ძალზე მკრთალად, ძალზე ძუნწად.

მეორე და ასევე საკვანძო არის ის, რომ მეცამეტე საუკუნის საქართველო მწიბრი ისტორიული ქრონიკა გრიგოლ აბაშიძის შემოთ ხსენებული რომანებით შეივსო და შეიმოსა ცოცხალი, შთაბეჭდილებელი სურათები, მძაფრი შინაგანი კატაკლიზმებითა და დრამატული კოლიზიებით აღსავსე სახელოვან წინაპართა საუკეთესო გმირული სახეებით, რის შედეგად გამთლიანდა ისტორიულ მოვლენათა ურთიერთკავშირის გზაზე არსებული ერთგვარი სიცალიერე, კლასიკური ხანის მომდევნო პერიოდი ჩვენს წინაშე წარმოდგა მთელი თავისი სიმართლით, რღვევადი და ხრწნადი, დიდი და მონუმენტური, საშინაო და საგარეო მომენტებისა და ელემენტების გლობალური გამოსახულებით.

მესამე და უმნიშვნელოვანესი, რაც განსაკუთრებულად ძვირფასია თანამედროვეობასთან გარდასული დროის დასაკავშირებლად, ეს არის საუკუნის ტრაგედისა და ზნეობრივი გმირის პრობლემა, ამ პრობლემის არა მხოლოდ ზოგადფილოსოფიური, არამედ მისი კონკრეტული სოციალურ-ეთიკური და საზოგადოებრივ-ადმინისტრაციული ასპექტი, ქვეყნის და ხალხის ეკონომიკური, პოლიტიკური და სულიერი გაჩანაგების უამს მორალური იდეალს მიჩნევა ერის მთლიანობის შენარჩუნების გადაწყვეტ ფაქტორად.

თუ ამ ასპექტების მიხედვით გავაზრებთ და გავანალიზებთ გრიგოლ აბაშიძის შემოთ აღნიშნულ სამ რომანს, დავინახავთ, რომ ლოგიკური და ისტორიული თანმიმდევრობის პრინციპი აქ მთლიანად და სავსებით ემორჩილება მხატვრული თხრობის იმ თანმიმდევრობის პრინციპს, რომელსაც მწერალი იყენებს. ვ. ა. ლენინი ვასწავლის: „ადამიანურ ემოციათა გარეშე არ ყოფილა, არ არის და არც შეიძლება იყოს კვშმარტების ადამიანური ძიება“. ამ გაგებით, ნაწარმოების ყოველი ანალიზი კვშმარტების

„ადამიანური ძიება“, ხოლო ეს ძიება უპირველესად ნაწარმოების კითხვისაგან აღძრულ ემოციებს და შთაბეჭდილებებს უნდა ემყარებოდეს.

როგორც არ უნდა იყოს „ლაშარელას“, „დიდი ღამის“ და „ცოტნეს ანუ ქართველთა დაცემის და ამაღლების“ კითხვისგან ჩვენს შეგარძნებაში დაგროვილი შთაბეჭდილება, საბოლოო ჯამში იგი მაინც გვაღელვებს და გვაფიქრებს თვით მოცემული კონკრეტულ-ისტორიული დროის რთულ ვითარებებზე, ისტორიული პიროვნების როლსა და ბედზე საზოგადოების განვითარების ისტორიაში, დავით აღმაშენებლისა და თამარის დროინდელი საქართველოს თანდათანობით შესუსტებაზე, მის რღვევასა და თანდათანობით კვლავ აღდგენაზე. ამ ნაწარმოებებში უპირველესად ჩვენ ვვინებლავს ეპოქის მიძინებული თუ მივიწყებული სულის გამოღვიძების პროცესის ჩვენება. და რაც უფრო ღრმად ვიჭრებით მწერლის ხედვის არედას ეპოქის იდეალებით მოცულ ლაბირინთებში, მით უფრო იზრდება და ფართოვდება ჩვენი შეხედულებების, ჩვენი წარმოდგენების წრე მისი რთული ბუნების შესაცნობად, მით უფრო ნათელი ხდება ამ სირთულისა და ამ თავისებურების მიზეზი და საფუძველი.

ახლა, როცა მკითხველს ხელთა აქვს „მეცამეტე საუკუნის ქართული ქრონიკის“ გრიგოლ აბაშიძისეული სამი წიგნი თავისი რამდენადმე ვრცელი ბოლოსიტყვაობით, არ არის ძნელი იმის დადგენა, თუ რა ძვირფასი განძი შემატა მწერალმა ჩვენს სულიერ კულტურას, ჩვენს სულიერ ცხოვრებას, ჩვენს ახალგაზრდობას, რომელსაც განსაკუთრებულად სჭირდება ზნეობრივად მისაბამი იდეალი. არსებითად ამ იდეალის ფარდა მესამე წიგნით იხსნება. ამდენად „ცოტნე ანუ ქართველთა დაცემა და ამაღლება“ გვევლინება ტრილოგიის გვირგვინად, მის ისეთ გუმბათად, რომელიც მუდამ იკიაფებს განუსაზღვრელ დროსა და სივრცეში.

„ლაშარელას“ ღრუბლებიდან საქართველოს ცა ქვეშ ჩამომდგარი დიდი წყვლიადი, მწერლის მიერ „დიდ ღამედ“ წოდებული, თითქოს ერთბაშად ნათდება, როცა უმძიმესი ტანჯვის უსაშინელებს გოლგოთაზე თავისი ნებით, თავისი რწმენით, თავისი სინდისის კარნახით ადის ერის, საზოგადოების და ხალხის წრიდან გამოსული პიროვნება, ინდივიდი, რომელიც უამთააღმწერლის ძუნწი წყაროებიდან თუ შორეული ღეგენდების დაცრეცილი ბინდ-ბუნდიდან იქცა ზნეობრივი კათარზისის სიმბოლურ გმირად.

ეს პიროვნება, ეს გმირი იყო ცოტნე დალიანი, სამეგრელოს სამთავროს მფლობელი, ამიერიდან გრიგოლ აბაშიძის მადლიანი კალმის წყალობით ლიტერატურულ სამყაროში შემოსული ცოტნეს ანუ ქართველთა ამაღლებლის დიდებული სახელით. ამით მთავრდება მეცამეტე საუკუნის საქართველოს ტრაგიკული ისტორია.

რიის შავი ფურცლები და ამითვე იწყება მისი განახლების, აღდგენის, უკვდავების ახალი ხანა, ახალი განთიადი.

ქვეყნის, ხალხის და ერის ბედი ძნელუაშობის, მონგოლთა ბატონობის უსასტიკესი განსაცდელის დროს საბოლოოდ გადაწყვიტა არა ნმალმა და ფიზიკურმა ძალამ, არა საბრძოლო ტექნიკამ და ხარდლობის სტრატეგიამ, არა ჯარმა და შეტევითმა ოპერაციამ, — ყველაფერი ეს კონტისთავის შეთქმულების ვაცემის შემდეგ ამაოდ იქცა, — არამედ პიროვნების გამირულმა ქცევამ, ზნეობრივმა სიწმინდემ, მოძმეებისათვის თავდადებად. მემბრტიანის სიტყვებით, როცა მონგოლთა ნოინებმა ცოტნესგან გაიგეს შეთქმულებთან მისი მოსვლის ნამდვილი მიზეზი, „განკვირდეს სათნოებისათვის მისისა და თქუეს: „ვინათგან ნათესავნი ქართველთანი, ესოდენ კეთილ არიან და არა განცრუვდებიან, რომელ აფხაზეთით მოვიდა კაცი, რათა დადვას ჭული თავისი მოყუარეთათვის, და არა განცრუვნეს, ესრეთ განწირა თავი თვისი სიკუდიდ, — არა არს სიცრუე მათ შინა, და მის ძალით უბრალოდ ვპოვებთ. ამისათვის განვუტეოთ ყოველნი“.

და მართლაც ყველანი იხსნა ცოტნეს საქციელმა.

იხსნა არა მხოლოდ შეთქმულნი — ეგარსლან ბაკურცინელი, თორღვა პანკელი, ვარამ გაგელი, სარგის თმოგველი, შოთა შერეთის ერისთავი, ყვარყვარე ციხისჭვარელი და სხვ.

იხსნა მთელი საქართველო, ქართველი ხალხი, ქართველი ერი.

არასოდეს არავის გამოუჩინია ასეთი რანდობა, ასეთი ნებისყოფა, ასეთი თავგანწირვა! არავინ იჭერდა და არავინ ესხმოდა თავს.

გზა წამებისგან ზეზეულად სიკვდილისა თვით აირჩია.

თვით იხილა საკუთარი თვალით როგორ ესოდენ გაშიშვლებულ შეთქმულებს თავლწასმულ ტანზე ბუზები, ფუტკრები და კრაზანები და როგორ სწუწნიდნენ მათ სისხლს თაკარა მზეზე!

არასოდეს არავის გამოუგონია ასეთი სატანჯველი!

ახე იქმნებოდა მონგოლების იმპერია.

ახე გმინავდა თითქმის მთელი საუკუნე ქართველი ხალხი მათი ბატონობის უღელქვეშ.

შიშმა ლამის გასტენა ამ ხალხის უდრეკი ხული.

შინაგანმა რღვევამ და მორალურმა დაქვეითებამ კიდევ უფრო გააჩანაგა მისი ერთიანობის საძირკველი.

და მაინც აღდგა, ფენიქსებრ აღდგა და გადაურჩა გადაშენებას.

გადაურჩა იმითომ, რომ „მსოფლიოს ხალხთა შორის ცოტას თუ დავასახელებთ, ქართველების გვერდით, რომელთა ისტორიას ფაქიზი ზნეობისა და მაღალი ადამიანობის, კეთილშობილი რა-

ინდობისა და გამირული თავდადების ამდენი და ესოდენ დიდებული მაგალითი ამშვენებდეს. ამ მაგალითთაგან ყველაზე ნათელი და მიმზიდველი, ყველაზე ღრმა ადამიანური და ამაღლებული ცოტნე დადიანის თავდადების და რანდობის ამბავია“.

ეს გრიგოლ აბაშიძის — ისტორიული მასალებისა და წყაროების ღრმა ანალიტიკოსის — სარწმუნო განაცხადია.

ხოლო ეს ადგილი კი...

„სარდაფიდან ცოტნე ამოვიდა, შეპყრობილებს მიუახლოვდა, წელს ზემოთ ტანთ გაიძრო და თავლის წახმას შეუდგა. შეთქმულები გაცეზულწი მიაშტერდნენ.“

— ცოტნე ხარ თუ მერვენება? — იკითხა ციხისჭვარელმა.

— ცოტნე ვარ, ყვარყვარე, ბატონო! დილამშვიდობისა!

— დილამშვიდობის, მთავარო! — გაისმა კანტიკუნტად.

— შენც შეგიპყრეს? ლიხთიმერეთშიაც მოგწვდნენ?

— არა, მე თვითონ მოვედი, ჩემი ფეხით!

— გაგიუღი, ცოტნე! — შეიცხადა თორღვა პანკელმა.

— სასიკვდილოდ როგორ მოდიოდი, ღვთივ გადარჩენილი... ან თავს რად წირავდი, ან ცოლშვილს რატომ ღუპავ? — ამოიოხრა ციხისჭვარელმა.

— თქვენთან ფიცით ვიყავ შეკრული და სასჯელი რომ თქვენთან ერთად არ გამეზიარებინა, ან თქვენ რას იტყოდით, ან ხალხი და ქვეყანა! — აულელვებლად თქვა ცოტნემ, თავლის წახმას მორჩა და ხელ-ფეხის შეკვრას შეუდგა“.

ეს ციტატი იმავე გრიგოლ აბაშიძის, როგორც მწერლის, როგორც მხატვრული სიტყვის ნამდვილი ოსტატის, მღელვარე ადამიანური განცდებით დატვირთული, უაღრესად დამაჭერბელი დადადისია, რომელიც მარავანდელის შუქად ეფინება მთელ ტრილოგიას ნიშნად მისი ჰუმანისტური იდეების ძლიერებისა.

დაცემის ხანის წიაღიდან გამობრწყინებული ჰუმანიზმი!

რუსთაველის ჰუმანიზმის პირდაპირი მემკვიდრე. მისი პირშეო, მისი აღმონაცენი.

ამით თითქოს წაიშალა უფსკრულის კვალი, შეერთდა ისტორიის ჯაჭვის ორი განწყვეტილი რგოლი დავითისა და თამარის მეფობიდან (მე-12 საუკუნე) გიორგი ბრწყინვალის მეფობამდე (მე-14 საუკუნე).

თითქოს აღდგა დაკარგული მემკვიდრეობის კავშირი წინა და მომდევნო ისტორიულ მონაკლებებს შორის.

თითქოს შეუცნობელის შეცნობის უტყუარ მოწმენი გავხდით.

ყოველშემთხვევაში — ის, რაც ერთერთათვის იყო ხელშეხახები, მხატვრული ნ

მოების სახით, ახლა მისაწვდომი და საცნაური გახდა ყველასათვის.

თავისი ღრობის ტრაგედიის ფონზე ცოტნეს ზნეობრივი გამირობის გაცოცხლება რაღაც მკვდრეთით აღდგენას ჰგავს!

დააკვირდით ცოტნეს ცხოვრების გზას ბავშვობიდან უკანასკნელ დღემდე, მის გარემოს, აღზრდის, სწავლებისა და განათლების იმ წიხებზე, რომლებშიც იწრთობა და ყალიბდება მისი ხასიათი, ქცევა, შეგნება, მისი ზნეობა და იდეალი და დარწმუნდებით, რომ, ეპოქების ცვლებადობის მიუხედავად, ადამიანში მაღალი ადამიანური თვისებების ფორმირების პროცესი ურველთვის ემყარება გარკვეულ კანონზომიერებას — მშობლიური, საზოგადოებრივი წრის ზნეობრივების, დადებითი, მისაბაძი, შთამავლენებითი მაგალითების ზეგავლენის ძალას.

ცოტნე ერთბაშად არ ამოდლებულა სულიერი გამირობის დონემდე.

აქეთკენ ეძახოდა მას პატარაობიდანვე ივლიანი მოძღვარი თავისი მაღალშეროიკული, მაღალზნეობრივი შეგონებებით, კლდეზე მიჭაჭვულ ამირანზე ხალხში გავრცელებული თქმულებებით და ლეგენდებით;

აქეთკენ უხშობდა ოდიშის სამთავრო მონასტრების ევროპაში განსწავლული მხატვარი მახარებელ ქობალია, ბერძენ მაკარიოსად მონათლული და მიღებული ღვთისმსახურების მიერ;

აქეთკენ მოუწოდებდა მამის — შერგილის და ბიძის — ვარდანის, ახლობელი და შორეული წინაპრების სახელოვანი აბრკოლო ტრადიციები;

აქეთკენ აქვებდნენ მაღალი თუ დაბალი ფენის, სამეფო თუ სამთავრო არისტოკრატის მის გარშემო შემოკრებილი წარმომადგენლები;

და ბოლოს, აქეთკენ ლტოლვის სულისკვეთებით ზრდიდა მას მთელი ხალხი, არსებული სოციალ-პოლიტიკური ვითარება, საზოგადოებაში გაბატონებული მორალი და ეთიკა.

ძნელია აქ აკინძვა ნაწარმოებში გაბნეულ ყველა იმ ჭადაგებათა, რომელთა ღრმავაროვანი სენტენციები დედის ნანასავით აკვნიდანვე ცხოვრების საგზურად გამოყვა ცოტნეს მენსიერებას. მოვიტანთ მხოლოდ ზოგიერთს:

„უდიდესი ბედნიერება ის ბედნიერებაა, რომ

ცა ადამიანისათვის ტანჯვის სიმწარე სიამედ იქცევა. წამება კი მაშინ იქცევა სიამედ, როცა უკიდურესობამდე მისულ გამაბრუებელ ტკივილს ადამიანი ეჩვევა და ღრმად იმსჯელება იმის შეგნებით, რომ კაცობრიობის სიკეთისათვის, სამშობლოსა და კაცთმოღვაწის ბედნიერებისათვის იტანჯება“ (ივლიანე კარის მოძღვრის შეგონებებიდან).

„სხვათა გადასარჩენად ჯვარცმისა არ შეგუშინდეს. ეცადე ეგ რწმენა არასოდეს დაკარგო და შიშალო. რწმენის დაკარგვა ადამიანისათვის ყველაზე დიდი უბედურებაა“. (მხატვარ მაკარიოსის დარიგებებიდან).

„...ვაუკაცი ამ ქვეყნად იმიტომ ჩნდება, განსაცდელს გაუძლოს, განსაცდელის გაძლება კი მხოლოდ მაშინ შეუძლია ვაუკაცს, როცა მართალია და სამშობლოსათვის ან სარწმუნოებისათვის ღებულს სხატანჯველს“. (მამის — შერგილ დადიანის ნასწავლ-ნამოდვრებიდან).

ახე ფაქიზდებოდა ცოტნეს გრძნობა, ახე ივლინებოდა მისი სული, ახე ყალიბდებოდა მისი რწმენა, მსოფლგაგება, მისწრაფება, მორალურ-ეთიკური შეხედულებები და კრიტიკრიუმები.

ყოველივე ამან განაპირობა იმ გადაწყვეტილების მიღება, რომელმაც ცოტნეს სახელი ხალხის წარმოდგენაში იმთავითვე მტკიცედ დაუკავშირა ეროვნული გამირობის რაობას.

ამ უკვლავი ეროვნული გამირობის ცოცხალი მხატვრული სახის შექმნაშია გრიგოლ აბაშიძის უდიდესი დამსახურება.

მთელი ტრილოგიის ლიტერატურული ღირებულების შესაფასებლად მხოლოდ ამ ერთი ფაქტის აღნიშვნაც იკმარებდა.

მაგრამ რამდენი რამ დარჩებოდა კიდევ უთქმელი!

და მაინც აქ სჯობს შეჩერება.

ბოლოს და ბოლოს, ყველაფერს ხომ თვითხილვა, თვითგანცდა, თვითგანსჯა წყვეტს.

დაე, მკითხველმა თვითონ იგრძნოს ნაწარმოების სიდიადე.

ჩვენ კი ამ წერილში დიდი ხელოვნებითი ქმნილების წინაშე მხოლოდ რიდი და კრძალვა, მღუშარე თავვანისცემა და გულწრფელი სიყვარული გვინდოდა გამოგვეხატა.



რეპაზ ინანიშვილის მოთხრობები

იმის შემდგომი პერიოდის ლიტერატურულ ცხოვრებას, ადრეიდან გამოყოფილი ინერციის პარალელურად, თვისობრივად ახალი შემოქმედებითი პრინციპების ორგანიული შერწყმაც განსაზღვრავდა. უპირველეს ყოვლისა, მხედველობაშია მისაღები თემატიკური თუ სტილისტური გადახალისების, შემოქმედის ფსიქოლოგიურ მოდულაციათა ახლებური (ხშირად ტრადიციული არანუიერების გზით) გაცხადების პრინციპები.

სოციალური თემატიკით აღბეჭდილი დიდი ეპიკური მხატვრული ტილოების, მათი კლასიკურ სიმალემდე ატანილი ნიმუშების ფონზე, განსხვავებული ესთეტიკური გარემოწერილობით ამოიზარდა ახალი ლიტერატურული თაობის ინტერესთა წრე, მოხსრავებთან და აზრის მხატვრული გაცხადების განსხვავებული სტილისტიკა. ის, რასაც ისინი ამკვიდრებდნენ, ზოგჯერ მივიწყებულისა თუ ბანალობად ქცეული ჩვეულებრიობის (ტრადიცია მაქვს მხედველობაში) ახლებური გაცოცხლება იყო. ლიტერატურული თაობის მოსვლა, როგორც წესი, ესთეტიკურ მონაპოვართა კრიტიკულ გადახინჯვასაც ითვალისწინებს, მათს წინ მოსული თაობის ფსიქიკას კი ეუფლება გარკვეული ნიჰილიზმისა თუ გალიზიანების მომთენთავი პათოსი — კიდევ ერთხელ ვიმეორებთ, როგორც წესი, ამგვარი დამოკიდებულება ჩვეულებრივი მორალური კლიმატის უფლებით სარგებლობს ხოლმე. ძალიან მიჭირს ეს „კანონიკური“ მოდუსი იმ ლიტერატურულ თაობაზეც გავავრცელოთ, რომელმაც საოცარი მოკრძალებით, ინტელიგენტური ტაქტით და რაც მთავარია დიდი ნაჭიბით დაჭიდდნენ მხატვრული ნიშეშებთ შემოაბიჯა ქართულ მწერლობაში და ორგანიულად შეერწყა მის უდიდეს მონაპოვართა გრანდიოზულ მხატვრულ სამყაროებს. იმის შემდ-

გომი თაობის ყველაზე მნიშვნელოვანი და ამდენად ყველაზე განამოსარჩევი ნიშან-თვისება ალბათ ლირიკული ნაკადის, ფიქრიანი და ემოციურად უსაზღვრო შესაძლებლობათა წარმოჩენაა. ისინი თითქოს განერიდნენ რიტორიკული ორნამენტაციებით და დეკლამაციური კლიშეებით აღბეჭდილ სტილს და უფრო ძუნწი თუ მომთხონი გახდნენ სიტყვათა შერჩევისას. სიტყვათშეთანხმების გრაფიკული გამომსახველობა, დახვეწილი მეტაფორულობა და წერის კულტურის მაღალი დონე ამ თაობას ახალ მიღწევათა დაძლევის შესაძლებლობებს უსახავდა.

სხვათაშორის, ლირიკული ნაკადის პრიორიტეტი მხოლოდ ქართულ ლექსში არ გამჟღავნებულა. მძლავრი ტრადიციით ნახაზდოები ლირიკული პროზა ახალი ძალით აღორძინდა ამ თაობის პროზაიკოსთა შემოქმედებაშიც. და მათ შორის, ვინც თავიდანვე მთელი სიგრძე-სიგანით განსჭვრიტა საკუთარი შემოქმედებითი გზა და საოცარი ერთგულებით ემსახურა ღვთისაგან ნაბოძებ მუზას — რევაზ ინანიშვილია.

ლირიკული პროზის — როგორც უანრის — წარმომავლობა ალბათ ჯერ კიდევ ძველ ქართულ ლიტერატურაშია საიებელი. ყოველ შემთხვევაში, გარკვეული ემპრიონალური გლემენტები ლირიკული წიაღსვლებისა, საკუთარი სულიერი სამყაროს პოეტურ-აღმსარებლობითი გადახსნისა და მკითხველის უშუალო თანაგანცდის ძიებისა, საცნაურსა ხდის ჩვენთვის ლირიკული პროზის სიუჟეტური სტრუქტურის ჯერ კიდევ არამყარი კონტურების აოსებიობა — აქ მხედველობაში გვაქვს ქართული აგიოგრაფიული ლიტერატურის ძეგლები.

ლირიკული პროზის კლასიკური ნიმუშები უფრო მოგვიანებით — XIX საუკუნეშია საძიებელი. ვაჟა-ფშაველას გენიალური პროზა ამ თვალსაზრისით პირველი მძლავრი ნაბიჯებია,